

Euskadiko gazte langabeen artean lana lortzeko aurreikuspenak hobetu dira

Gazteen Euskal Behatokiak *Aurrera Begira*, *Gazteen Aurreikuspenei buruzko adierazleak* ikerketaren hirugarren edizioa aurkeztu du

Aurrera Begira Gazteen Euskal Behatokiak urtero burutzen duen ikerketa da, honako helburu hau izanik: Euskadiko gazteek nola antzematen duten oraina eta, epe laburrean, zeintzuk diren beraien etorkizunerako aurreikuspenak jakitea.

Ikerketa gazteei beraiei telefonoz egindako inkesta batean oinarritzen da. Landa lana 2015eko azaroan burutu zen, 15 eta 29 urte bitarteko 1512 gaztek erantzun zuten inkesta medio.

Emaitzak 10 adierazletan laburbiltzen dira:

Lehen hiru adierazleek gaur egungo egoeraren balorazioa aztertzen dute ikuspuntu ezberdinetatik: norberarena eta taldearena:

1. Egungo egoeraren balorazio indizea
2. Norberaren poztasun indizea
3. Bizitzaren alderdien balantzea

Jarraian lan aurreikuspenei buruzko lau adierazle aztertu dira:

4. Lana galtzeko edo baldintzak okertzeko arriskua
5. Lana aurkitzea aurreikustea
6. Prestakuntzari lotutako lana izatea aurreikustea
7. Derrigorrez emigratu beharra aurreikustea

Hurrengo adierazlea, zortzigarrena hain zuzen ere, emantzipazioaren ingurukoa da:

8. Emantzipazioa zapuztuko dela aurreikustea


Azkenik, etorkizunarekiko aurreikuspenei buruzko bi adierazle aztertu dira:

9. Gazteen gaitasunekiko konfiantza indizea
10. Etorkizunarekiko konfiantza indizea

Aurrera Begira 2015 ikerketak honako hau ondorioztatzen du: Euskadiko gazteek egungo egoeraren balorazio positiboa egiten dute eta norberaren poztasun maila altua agertzen dute. Lana galtzeko edo baldintzak okertzeko arriskuak gora egin du, baina asko hobetu da langabezia daudenen artean lana aurkitzearen aurreikuspena, baita gaur egun ikasten ari direnen artean prestakuntzari lotutako lana izatearen aurreikuspena ere.

Beste alde batetik, emantzipazio-proiektuek epe laburrean burutuak izateko oztopoak izaten jarraitzen dute eta gutxi izaten jarraitzen dute atzerrira lan egitera joan beharko dutela uste dutenek.

Azkenik, gazteek beraien gaitasunekiko konfiantza altua adierazten dute eta etorkizunarekiko optimistak dira.

 AURRERA BEGIRA: GAZTEEN AURREIKUSPENEI BURUZKO ADIERAZLEAK				
	2013	2014	2015	
1. Egungo egoeraren balorazio indizea	60	62	66	😊
2. Norberaren poztasun indizea	80	78	81	😊
3. Bizitzaren alderdien balantzea	Lana eta dirua	Lana eta dirua	Independentzia pertsonala	😐
4. Lana galtzeko edo baldintzak okertzeko arriskua	% 57	% 47	% 52	😞
5. Lana aurkitzea aurreikustea	% 54	% 60	% 71	😊
6. Prestakuntzari lotutako lana izatea aurreikustea	% 46	% 56	% 65	😊
7. Derrigorrez emigratu beharra aurreikustea	% 16	% 14	% 14	😐
8. Emantzipazioa zapuztuko dela aurreikustea	% 45	% 48	% 49	😞
9. Gazteen gaitasunekiko konfiantza indizea	66	69	75	😊
10. Etorkizunarekiko konfiantza indizea	64	74	74	😊

Aurrera Begira 2015 txostenean honako hau dago eskuragarri:

- ✓ 10 adierazleen emaitzak sexuaren, adin taldeen eta lurralde historikoaren arabera.
- ✓ Adierazleen eraikuntzari buruzko informazio metodologikoa.
- ✓ Adierazleak eraikitzeko erabili diren inkestako galdera guztien erantzunak, sexuaren, adin taldeen eta lurralde historikoaren arabera.